



Tel.: 981 40 40 06
Fax: 981 40 42 00

C O N C E L L O
DE
M O E C H E
(A CORUÑA)

Núm.

**ACTA DA SESION EXTRAORDINARIA CELEBRADA POLO PLENO DA
CORPORACIÓN DO CONCELLO DE MOECHE O DIA 25 DE XUÑO DE 2015**

No Salón de Sesions da Casa do Concello de Moeche, sendo as 20,00 horas do día 25 de xuño de 2015, baixo a presidencia da Sra. Alcaldesa D^a. Beatriz Bascos Maceiras, reunense os Srs./as Concelleiros/as que se citan:

- D. Magín Fernando Lago Tuimil
- D^a Iria Couce Rego
- D. Jose Manuel Soto Sanchez
- D. Juan Carlos Rodriguez Lago
- D. Xulio Cribreiro Garcia
- D. Jorge Gonzalez Aneiros
- D. Aquilino Sueiras Dopico
- D. Rocio Luaces Antón.

Asistidos da Secretaria da Corporación D. Consolación Couce Calvo, co obxecto de celebrar sesión extraordinaria para a que foron previamente citados, constando en Secretaría o recibí de citación á sesión por parte de tódolos membros que o compoñen.

Co quórum establecido polas disposicións legais vixentes para a válida constitución do pleno, pola Sra. Alcaldesa declarouse público e aberto o acto, adoptándose os seguintes acordos, conforme á orde do día que figura na convocatoria de citación á sesión

**1.- POSTA EN COÑECEMENTO DA CORPORACION DAS RESOLUCIONS DA
ALCALDIA EN MATERIA DE NOMEAMENTOS DE TENENTES DE ALCALDESA
E DELEGACIONS DA ALCALDIA**

En cumprimento do disposto nos artigos 44.2 e 46.1 do ROF das Entidades Locais, pónse en coñecemento do Pleno da Corporación os nomeamentos e delegacións acordados por resolucións da Alcaldía de data 18 de xuño de 2015:

TENENTES DE ALCALDESA

- 1º Tenente de Alcaldesa.- Sr. D. Magín Fernando Lago Tuimil.
- 2º Tenente de Alcaldesa.- Sra. D.^a Iria Couce Rego.
- 3º Tenente de Alcaldesa.- Sr. D. Juan Carlos Rodríguez Lago.



DELEGACIONES DA ALCALDIA:

- Sr. D. Magín Fernando Lago Tuimil.- Obras e servizos
- Sra. Dª. Iria Couce Rego.- Cultura, deporte, mocidade e normalización lingüística
- Sr. D. Juan Carlos Rodríguez Lago.- Medio ambiente e sanidade,
- Sr. D. José Manuel Soto Sánchez.- Urbanismo e patrimonio

As delegacións comprenderán as facultades de dirixir os servizos correspondentes así como de xestionalos en xeral, pero non a facultade de resolvelos mediante actos administrativos que afecten a terceiros

O Pleno queda enterado

Aberto O turno de intervencions, producense as seguintes

Aberto a quenda de intervencións, prodúcense as seguintes

Sr. Cribreiro Garcia.- A Sra. Alcaldesa dá conta o Pleno deses nomeamentos despois de que fosen publicados na “Voz” e no “Diario de Ferrol”. Por certo, a información do Diario de Ferrol non se corresponde que que se presenta no día de hoxe, o Sr. Lago Tuimil aparecía como delegado de urbanismo, obras e servizos. Chama a atención que os currículums e as titulacións dos concelleiros non se corresponden coas delegacións conferidas, o Sr. Soto, que leva mais de 20 anos traballando na construcción a Sra. Alcaldesa non lle permite levar obras que as leva o Sr. Magín que é condutor, tamén nos resulta sorprendente que unha técnico superior de Administración e finanzas leve normalización lingüística, xa que a alcaldesa se reservou tantas areas porqué non se reservou normalización lingüística ¿ou é que non lle interesa o galego?

Sra. Bascoy Maceiras.- Os membros do meu equipo de goberno están preparados para levar calquera area que lle poida delegar, tampouco na Corporación do 2007, na que vostede era alcalde as delegacións se correspondían co currículum dos concelleiros, A D. Julio Lopez Romeo, que ten un taller de reparación de vehiculos, delegoulle as competencias de obras, servicios, comunicacíons e urbanismo, non sei que relación pode ter coa sua actividade habitual - intreven o **Sr. Cribreiro** que indica que foi unha delegación moi mal feita - Dª Mº Luz López López tiña a delegación de deportes, xuventude, educación, muller cultura e sanidade, non coñezo que tivera no seu currículum nada relacionado con esas materias (agás muller, en todo caso) o Sr. Pita Romero, que viña da area da seguridade tiña as delegacións de urbanismo, contas, economía e facenda servizos sociais, persoal, industria e relacíons institucionais - intreven o **Sr. Cribreiro** que indica, novamente, que foi unha delegación moi mal feita - polo que se refire o feito de que a alcaldía non se reservara a area de normalización





C O N C E L L O
DE
M O E C H E
(A CORUÑA)

Núm.

lingüística, que eu saiba vostede tampouco se reservou nunca a area de sanidade, non se pode confundir o traballo coa vida política, hai que separalos moi claramente

2.- CONSTITUCIÓN DOS GRUPOS POLÍTICOS MUNICIPAIS

De orde da Alcaldesa, pola Secretaria pónse en coñecemento da corporación dos escritos presentados no Rexistro Xeral , polo que se comunica a constitución dos grupos políticos municipais:

- Nº rexistro.- 564, data de entrada 16-06-2015.- Comunicación de constitución do Grupo Municipal do BNG, integrado por Dª. Beatriz Bascocoy Maceiras, D. Magin F. Lago Tuimil, Dª. Iria Couce Rego, D. Jose manuel Soto Sanchez e D. Juan Carlos Rodriguez lago, nomeando como voceiro a D. Magin F. Lago Tuimil
- Nº rexistro.- 568, data de entrada 16-06-2015.- Comunicación de constitución do Grupo Municipal do Partido Popular, integrado por D. Xulio Cribreiro Garcia, D. Jorge Gonzalea Aneiros, D. Aquilino Sueiras Dopico e Dª Rocio Luaces Anton, nomeando como voceiro a D. Xulio Cribreiro Garcia, e como suplente a Dª Rocio Luaces Anton

A Corporación queda enterada

3.- DETERMINACIÓN DA PERIODICIDADE DAS SESIÓNS PLENARIAS

Pola Alcaldía sometese a consideración da corporación a proposta que se transcribe

Visto o artigo 78.1 do Regulamento de Organización, Funcionamento e Réxime Xurídico das Corporacións Locais, que preceptúa que son sesións ordinarias aquelas que teñen unha periodicidade pre establecida, e que dita periodicidade será fixada por acordo do propio pleno en sesión extraordinaria, que terá que convocar o alcalde dentro dos trinta días seguintes ó da sesión constitutiva da Corporación e visto, igualmente, o artigo 46.2.A da Lei 7/1985 de 2 de abril, reguladora das Bases de Réxime Local que preceptúa: " O pleno celebrará sesión ordinaria como mínimo..... cada tres meses nos municipios de ata 5.000 habitantes...", por esta Alcaldía proponse ó Pleno do Concello a adopción do seguinte acordo:

- Que o Pleno do Concello celebre sesión ordinaria o terceiro XOVES dos meses pares: Febreiro, abril, xuño, agosto, outubro e decembro, as 20,00 horas, salvo que fose inhábil, no que se trasladará o primeiro dia hábil seguinte



O Pleno, non obstante, acordará o que estime pertinente

Sometida a votación a proposta antedita, resultou aprobada por CINCO (5) votos a favor e CATRO (4) abstencións, dos srs/a Cribreiro Garcia, González Aneiros, Sueiras Dopico e Luaces Antón

4.- CONSTITUCIÓN DA XUNTA DE GOBERNO LOCAL

Sometese a consideración da corporación a proposta da Alcaldía que se transcribe

Considerando que é necesario e convinte para a boa marcha dos servizos públicos municipais, de acordo cos principios de economía, celeridade e eficacia administrativas, proceder á constitución da Xunta de Goberno Local que terá por función a asistencia a Alcaldesa no exercicio das súas atribucións

Visto o Informe de Secretaría de data 17 do mes a correr e de conformidade co disposto nos artigos 20.1.b) da Lei 7/1985, de 2 de abril, Reguladora das Bases do Régime Local e 35.2.d) do Real Decreto 2568/1986, de 28 de novembro, polo que se aproba o Regulamento de Organización, Funcionamento e Régime Xurídico das Entidades Locais, proponse o Pleno da Corporación a adopción do seguinte:

ACORDO

PRIMEIRO. Constituirá a Xunta de Goberno Local, cuxo obxecto será a asistencia permanente a Alcaldesa no exercicio das súas atribucións, así como exercer, no seu caso, as atribucións que o Alcalde ou outro organo municipal lle deléguen ou as que lle atribúan as leis.

SEGUNDO. A Xunta de Goberno Local estará integrada pola Alcaldesa, que será a súa presidenta, e por un número de Concelleiros que serán nomeados libremente pola Alcaldesa como membros da mesma, sen que en ningun caso poda ser superior ao terzo do número legal de membros da Corporación.

TERCEIRO. A Xunta de Goberno Local axustará o seu funcionamento ao disposto nos artigos 112 e 113 do Real Decreto 2568/1986, de 28 de novembro, polo que se aproba o Regulamento de Organización, Funcionamento e Régime Xurídico das Entidades Locais.

O pleno, non obstante, acordará o que estime pertinente





Tel.: 981 40 40 06
Fax: 981 40 42 00

C O N C E L L O
DE
M O E C H E
(A CORUÑA)

Núm.

Sometida a votación a proposta antedita, resultou aprobada por CINCO (5) votos a favor e CATRO (4) abstencións, dos srs/a Críbeiro Garcia, González Aneiros, Sueiras Dopico e Luaces Antón

5.- CREACIÓN DA COMISIÓN ESPECIAL DE CONTAS

Sometese a consideración da Corporación a seguinte proposta:

Visto o artigo 116 da Lei 7/85 de 2 de abril de bases de réxime local e 127 do Regulamento de Organización, Funcionamento e Réxime Xurídico das Entidades Locais, nos que se establece o carácter perceptivo da Comisión Especial de Contas en todos os Concellos debendo axustarse a súa constitución, composición, integración e funcionamento o establecido para as demais Comisións Informativas.

Visto que a Comisión especial de Contas correspóndeelle o exame, estudio e informe de todas as contas, orzamentarias e extraorzamentarias, que deba aprobar o Pleno da Corporación, de acordo co establecido na lexislación reguladora da contabilidade das entidades locais

Propónese o Pleno da Corporación a adopción do seguinte acordo:

1º.-A creación da Comisión Especial de Contas, a cal lle corresponderán tamén as funcións legalmente atribuídas a comisión informativa de facenda e estará integrada polos seguintes concelleiros:

- PRESIDENTE NATO: Sra. Alcaldesa do Concello.
- 2 representantes do grupo municipal do Bloque Nacionalista Galego
- 1 representante do grupo municipal do Partido Popular

2º.- A Comisión Especial de Contas, celebrará sesión cando sexa convocada polo Presidente.

3º.- Comunicar este Acordo os diferentes Grupos Políticos Municipais, facéndolles saber que deberán nomear o seu representativo na Comisión, notificándollo por escrito no prazo de dez días dende a adopción do presente acordo.

O Pleno, non obstante, acordará o que estime pertinente

Aberta a quenda de intervencións prodúcense as seguintes::



Sr. Cribreiro Garcia.- Consideramos que o grupo municipal do partido popular esta infrarepresentado nesta comisión, debería ter un representante máis

Sra- Bascoy Maceiras.- Se o grupo municipal do PP ten un representante mais o grupo do BNG tamén tería que telo e falariamos dunha comisión de 6 membros, case igual que o pleno, é unha cuestión de economía

Sometida a votación a proposta antedita, resultou aprobada por CINCO (5) votos a favor e CATRO (4) abstencións, dos srs/a Cribreiro Garcia, González Aneiros, Sueiras Dopico e Luaces Antón

6.- CREACIÓN DA COMISIÓN DE SEGUIMENTO DO PXOM

Vistos os artigos 123 e ss. do Regulamento de Organización, Funcionamento e Régime Xurídico das Entidades Locais, nos que se regula a creación e composición das Comisións informativas, tanto permanentes como especiais e, dado que, nestes momentos, se está a tramitar o Plan Xeral de Ordenación Municipal deste Concello e dada a gran transcendencia que ten este documento para o futuro e o progreso do Concello considerase procedente a constitución dunha comisión informativa especial para seguimento dos traballos de elaboración do PXOM , en consecuencia:

Propónese o Pleno da Corporación a adopción do seguinte acordo:

1º.- A creación da Comisión Especial de seguimento do PXOM , que estará integrada polos seguintes concelleiros:

- PRESIDENTE NATO: Sra. Alcaldesa do Concello.
- 2 representantes do grupo municipal do Bloque Nacionalista Galego
- 1 representante do grupo municipal do Partido Popular

As reunions da Comisión asistiran os membros do equipo redactor do PXOM para informar os Concelleiros dos avances dos traballos realizados

2º.- A Comisión especial de seguimento do PXOM, celebrará sesión cando sexa convocada polo Presidente.





Tel.: 981 40 40 06
Fax: 981 40 42 00

C O N C E L L O
DE
M O E C H E
(A CORUÑA)

Núm.

3º.- Comunicar este Acordo os diferentes Grupos Políticos Municipais, facéndolles saber que deberán nomear o seu representante na Comisión, notificándollo por escrito no prazo de dez días dende a adopción do presente acordo..

O Pleno, non obstante, acordará o que estime pertinente

Aberta a quenda de intervencións tanto o **Sr. Cribreiro Garcia** como a **Sra. Bascoy Maceiras**, reiteran o xa indicado no punto anterior, dandose lectura pola Sra. Bascoy o artigo 125 do ROF das Entidades Locais, que literalmente di:

No acordo de creación das Comisións informativas determinarase a composición concreta destas, tendo en conta as seguintes regras:

a) O Alcalde ou Presidente da Corporación é o Presidente nato de todas elas; non obstante, a presidencia efectiva poderá delegala en calquera membro da Corporación, por proposta da propia Comisión, tras a correspondente elección efectuada no seu seo.

b) Cada Comisión estará integrada de forma que a súa composición se acomode á proporcionalidade existente entre os distintos grupos políticos representados na Corporación

c) A adscrición concreta a cada Comisión dos membros da Corporación que deban formar parte desta en representación de cada grupo, realizarase mediante escrito do Voceiro do mesmo dirixido ao Alcalde ou Presidente, e do que se dará conta ao Pleno. Poderá designarse, de igual forma, un suplente por cada titular.

Sometida a votación a proposta antedita, resultou aprobada por CINCO (5) votos a favor e CATRO (4) abstencións, dos srs/a Cribreiro Garcia, González Aneiros, Sueiras Dopico e Luaces Antón

7.- DETERMINACIÓN DAS ASIGNACIÓNS DOS MEMBROS DA CORPORACIÓN E DE INDEMNIZACIONES OS GRUPOS POLÍTICOS

Pola Alcaldía, sometese a consideración da Corporación a proposta que se transcribe

Constituída a nova Corporación municipal, resultante das eleccións locais celebradas o día 24 de maio de 2015 faise preciso de establecer as indemnizacións a percibir polos membros da Corporación por asistencias a sesións de órganos colegiados así como a asignación os diferentes grupos políticos para os seus gastos de funcionamento ..

PRIMERIO .- Retribucións dos membros da Corporación e indemnizacións por Razón do Servizo



1. Sen prexuízo das modificacións que con carácter xeral poidan ser ditadas, a percepción de indemnizacións por razón do servizo axustarase ao establecido no Real Decreto 462/2002, de 24 de maio, sobre Indemnizacións por Razón do Servizo.

2.- Non se establece ningún cargo a desempeñar no réxime de dedicación total ou parcial parcial

3. .- Os membros da Corporación terán dereito a percibir as seguintes asignacións:

3.1. Pola concorrencia efectiva a sesións de órganos de governo do Concello, percibirán en concepto de asistencias os seguintes importes:

- Sesións plenarias: 50 €/ sesión cun máximo de dúas sesións retribuídas por mes.
- Sesións da Xunta de Goberno Local: 175€/sesión cun máximo de dúas sesións retribuídas por mes.
- Reunións da Comisión Especial de Contas.- 50 €/ sesión cun máximo dunha sesión retribuídas por mes
- Reunións da Comisión de seguimento do PXOM.- 50 €/ sesión cun máximo dunha sesión retribuída por mes

No caso de que non chegue a celebrarse a sesión dun órgano colexiado debidamente convocada, por falta de quórum ou calquera outra razón que o impida, pola Secretaria redactarase unha diligencia acreditativa das razóns polas que non pudo celebrarse así como dos membros do órgano colexiado presentes, tendo dereito estes a percibir a indemnización fixada en concepto de asistencia

3.2 . Cando un membro da Corporación realice comisións fora do termo municipal terá dereito a ser indemnizado mediante a percepción dunha dieta, que será a fixada polo Real Decreto 462/2002 de 24 de maio, modificado pola Resolución de 2 de decembro de 2005, para o grupo primeiro e que para este ano 2.011 ascenden ás seguintes cantidades

- Por aloxamento.- 102,56 €/día
- Por manutención.- 53,34 €/día
- Dieta enteira.- 155,90 €/día





Tel.: 981 40 40 06
Fax: 981 40 42 00

C O N C E L L O
DE
M O E C H E
(A CORUÑA)

Núm.

Se no desprazamento utiliza vehículo propio indemnizaráselle a razón de 0,19 € por quilometro recorrido, contando dende o domicilio o punto de orixe ó punto de destino e retorno de aquel.

Se realiza a viaxe en taxi, o importe de este.

Se se verifica noutro medio de transporte público, billete de primeira clase.

Nos casos en que o contadante opte, ó formalizar a súa conta, por xustificar gastos suplidos e percibir estes en lugar da dieta global, poderá facelo previa a correspondente aprobación de dita conta na forma establecida para a aprobación xeneral de gastos.

Así mesmo e cando para o desempeño do seu cometido específico tivera que desprazarse dentro do termo municipal poderá percibir unicamente os gastos do quilometraxe recorrido, previa aprobación da conta correspondente na forma regulamentaria para o recoñecemento de obrigacións


Os gastos xerados aos membros da Corporación con motivo de desprazamentos polo desempeño do seu cargo, xustifícanse mediante presentación de facturas e outros documentos acreditativos do gasto así como unha declaración xurada na que se exprese

- data do desprazamento
- Lugar
- Motivo do desprazamento
- Xestións realizadas

No caso de que os membros da Corporación opten polo cobro da quilometraxe que corresponda pola utilización de vehículo particular e ao cobro dunha dieta polos gastos que xera o desprazamento, deberán presentar, ademais da declaración xurada indicada no parágrafo anterior, unha conta na que se inclúa o nº de quilómetros realizados e a contía do quilometraxe e das dietas a que houbera lugar, nas contías establecidas no apartado 4.2 da presente base.

3.3. Os Concelleiros da Corporación que formen parte como Vogais de Tribunais que se constitúen para a Selección de persoal funcionario e laboral deste Concello, terán dereito a percibir as asignacións establecidas na normativa vixente pola asistencia aos referidos Tribunais.

SEGUNDO.- Achechas aos Grupos Políticos Municipais



1.- De conformidade co previsto no artigo 73.3 da Lei 7/1985, de 2 de abril, Reguladora das Bases de Réxime Local, aos Grupos Políticos Municipais, legalmente constituídos, e para o funcionamento dos mesmos, correspóndelles as seguintes asignacións económicas:

- 50 euros por Grupo político municipal/mes.
- 25 euros por Concelleiro integrante do Grupo/mes.

2.- Os grupos políticos deberán levar unha contabilidade específica da dotación a que se refire o apartado anterior, que porá a disposición do Pleno da Corporación sempre que este o pida.

3.- Esta subvención pagarase trimestralmente, debendo xustificarse previamente os importes recibidos, correspondentes o trimestre anterior, mediante declaración xurada do Portavoz de cada Grupo de ter destinado o importe recibido aos fins para os que se concedeu.

TERCEIRO.- Iniciar os trmites necesarios para a modificación das bases 35 e 36 das de execución do orzamento municipal, para adaptalas as novas previsións, que deberan someterse a aprobación do pleno na próxima sesión que se celebre, deixando automaticamente se efecto a base 36 que regula as *Retribucións dos membros da Corporación e indemnizacións por Razón do Servizo*, sendo de inmediata aplicación as previsións contidas no presente acordo

O Pleno, non obstante acordará o que estime pertinente

Explica a proposta a Sra. Alcadesa indicando que se reduce a contia das imdemnizacions por asistencia a Plenos e comisions informativas de 54 a 50 € e a Xunta de Goberno de 275 a 175 €, iso implica só no que se refire a Xunta de Goberno, un aforro de 800€ mensuais, 9.600 € ano.

Aberta a quenda de intervencions, producense as seguintes

Sr. Cribeiro Garcia.- No periodico “A Voz de Galicia” de 16 de xuño aparecen unhas declaracions da Sra. Alcaldesa dicindo que “non vamos a cobrar do Concello”, e ahora polo que parece si que van a cobrar

Sra. Bascoy Maceiras.- O que se dicía na prensa e que non íbamos a cobrar salarios do Concello, non hai ningunha dedicación, nin parcial nin exclusiva, e non hai dedicación





Tel.: 981 40 40 06
Fax: 981 40 42 00

C O N C E L L O
DE
M O E C H E
(A CORUÑA)

Núm.

parcial, porque, como vostede sabe moi ben porque é funcionario, se solicita a dedicación parcial so podes traballar para o concello fora do teu horario laboral na administración o que faría imposible que eu puidera vir polas mañas a atender os veciños e como non quero que isto suceda e quero poder estar aquí polas mañas, por iso non solicito a dedicación parcial. Vostede no ano 2007 cobraba 1.502 euros de dedicación parcial, por 100 horas o mes iso da mais de 3 horas o dia (contando sábados e domingos, porque vostede dixo que dedicaba todos os dias a traballar para o Concello) supoño que esas horas serían pola tarde, porque non quero pensar que se dedicaba a atender os asuntos do concello dende o consultorio médico, tamén había dous concelleiros con dedicación parcial 360 euros por 4 horas e 300 por 33 horas, e ainda acabo de firmar a sua nómina de este último mes no Concello. Nestos 12 días que leva a nova Corporación van mais de 70 horas e dedicación o Concello

Sometida a votación a proposta antedita, resultou aprobada por CINCO (5) votos a favor e CATRO (4) abstencións, dos srs/a Cribreiro Garcia, González Aneiros, Sueiras Dopico e Luaces Antón

8.- NOMEAMENTO DO REPRESENTANTE DO CONCELLO NO CONSELLO ESCOLAR

Sometese a consideración da Corporación a seguinte proposta:

Sendo necesario proceder o nomeamento do representante do consello no Consello Escolar, pola presente proponse o Pleno da Corporación:


PRIMEIRO.- Nomear como representante do Concello no Consello Escolar do C.E.I.P.- San Ramón de Moeche a Alcaldesa D. M^a Beatriz Bascocoy Maceiras e como suplente a D. Juan Carlos Rodríguez Lago.

SEGUNDO.- Dar conta deste acordo ó C.E.I.P - San Ramón de Moeche, para ó seu coñecemento e efectos oportunos.

O Pleno, non obstante, acordará o que estime pertinente

Aberto o debate, prodúcense as seguintes intervencións:

Sr. Cribreiro Garcia.- A Sra. Alcaldesa non confía nos seus concelleiros e inicia o seu mandato de forma absolutista como indica esta decreto non delega nos seus concelleiros cando podía facelo



Sra. Bascoy Maceiras.- úas cousas, por unha banda eu teño as tardes libres e os meus concelleiros non, aparte teño unha especial vinculación co colexio, estiven 9 anos na Anpa e o meu fillo estudou alí, calquera dos meus concelleiros están plenamente cualificados para actuar como representantes, e todos, menos Iria, tiveron os seus fillos estudiando alí, por outra banda e no que se refire as delegacións, vostede non é a persoa mais adecuada para falar delas porque no seu último mandato non fixo nin unha soa delegación, tamén é certo que tivo unha mala experiencia con algún concelleiro, pero a min iso non me pasa, os concelleiros do BNG son leais.

Sometida a votación a proposta antedita, resultou aprobada por CINCO (5) votos a favor e CATRO (4) abstencións, dos srs/a Cribreiro Garcia, González Aneiros, Sueiras Dopico e Luaces Antón

E, non habendo mais asuntos que tratar pola Presidenta levantase a sesión sendo as 20 horas e 25 minutos do dia indicado no encabezamento. Do que eu, Secretaria CERTIFICO

Vº e Pz

A Alcadesa



Asdo. Beatriz Bascoy Maceiras

A Secretaria

